

Na osnovu člana 12. Zakona o udruženjima i fondacijama ("Službene novine FBiH", broj 45/02) te Statuta udruženja i Rješenja broj: 04-05-2-231/06 Federalnog ministarstva pravde, Skupština **Nezavisnog strukovnog sindikata radnika zaposlenih u zdravstvu u Federaciji Bosni i Hercegovini kantonalna organizacija zeničko-dobojskog kantona** (u daljem tekstu: Sindikat), na Skupštini održanoj 26.10.2017. godine u Zenici, donosi:

## **S T A T U T**

**Nezavisnog strukovnog sindikata radnika zaposlenih u zdravstvu u Federaciji Bosni i Hercegovini kantonalna organizacija zeničko-dobojskog kantona**

### **OPĆA NAČELA**

#### **Član 1.**

Ovim Statutom uređuje se: naziv i sjedište, svrha i ciljevi, uvjeti i načini učlanjivanja i prestanak članstva, organi upravljanja, trajanje mandata, način odlučivanja, način donošenja odluke o prestanku rada, način sticanja, korištenja i raspolaganja sredstvima, javnost rada, način donošenja Statuta, izmjena i dopuna Statuta i pečat, zastupanje i predstavljanje, saradnja, udruživanje i oblici udruživanja sa drugim sindikatima i sličnim organizacijama ili udruženjima u zemlji i inostranstvu, finansijsko poslovanje, registracija, ovlašćenja, normativna akta, nadzor nad zakonitošću rada, članarina i dr.

### **NAZIV**

#### **Član 2.**

**Naziv sindikata je**

**«Nezavisni strukovni sindikat radnika zaposlenih u zdravstvu u Federaciji Bosni i Hercegovini kantonalna organizacija zeničko-dobojskog kantona»**

Skraćeni naziv je:

«Nezavisni sindikat zdravstva u Federaciji Bosni i Hercegovini zeničko-dobojski kanton »

### **SJEDIŠTE**

#### **Član 3.**

Sjedište Nezavisnog sindikata zdravstva kantonalne organizacije ZDK je u Zenici.

Nezavisni sindikat zdravstva u Federaciji Bosni i Hercegovini ima svoje podružnice kako slijedi:

### **Spisak Osnovnih organizacija Sindikata po zdravstvenim ustanovama**

1. JU Opća bolnica Tešanj
2. JU Dom zdravlja Tešanj
3. JU Dom zdravlja Visoko
4. JU Dom zdravlja Zavidovići
5. JU Dom zdravlja Kakanj
6. JU Dom zdravlja Maglaj
7. JU Dom zdravlja Žepče
8. JU Dom zdravlja Breza
9. JU Dom zdravlja Vareš
10. JU Dom zdravlja Olovo
11. JU Dom zdravlja Usora
12. JU Dom zdravlja Doboj-jug
13. JU Kantonalna bolnica Zenica
14. JU Kantonalni zavod medicine rada
15. JU Dom zdravlja Zenica

### **DJELATNOST SINDIKATA**

#### **Član 4.**

*Kao dobrovoljna društvena organizacija , osnovana na bazi slobodnog udruživanja radnih ljudi u oblasti zdravstva, prema standardnoj klasifikaciji djelatnosti, Sindikat će se baviti djelatnošću označenom kao:*

*Djelatnosti označene prethodno navedenom šifrom klasifikacije djelatnosti Sindikata obuhvataju:*

- 1. Zaštitu prava radnika na radnom mjestu i u vezi sa zapošljavanjem*
- 2. Razmatranje pitanje sticanja dohotka i raspodjeli dobiti*
- 3. Ostvarivanjem Ustavom Federacije Bosne i Hercegovine utvrdjenog položaja radnika*
- 4. Uskladjivanje interesa radnika zaposlenih u zdravstvu sa opšte društvenim interesima*
- 5. Obezbjedjenje socijalne sigurnosti i razvijanje životnog standarda članova Sindikata*
- 6. Podizanje nivoa obrazovanja i osposobljavanja radnika u zdravstvu*
- 7. Razvijanje i jačanje solidarnosti i odgovornosti radnika u zdravstvu*
- 8. Utvrđivanje zajedničkih mjera za raspodjelu dobiti prema uloženom radu i rezultatima rada*
- 9. Vršanjem odredjenih društvenih poslova i razvijanjem raznovrsnih aktivnosti na planu predlaganja zakonskih i drugih rješenja u oblasti zdravstva , privatizacije*

zdravstvene zaštite u oblasti gdje je to moguće, u skladu sa Ustavom Federacije Bosne i Hercegovine i Zakonom.

10. Podizanje produktivnosti i kvaliteta rada

11. Ostalim aktivnostima koje su u skladu sa ovim Statutom

## **PROGRAMSKI CILJEVI NEZAVISNOG SINDIKATA ZDRAVSTVA ZENIČKO-DOBOJSKOG KANTONA**

### **Član 5.**

Programski ciljevi Nezavisnog sindikata zdravstva u F BiH Kantonalne organizacije zeničko-dobojskog kantona jesu borba za slobodu, demokratiju, pravdu i rad na području zeničko-dobojskog kantona.

U ostvarenju tih ciljeva Nezavisni sindikat zdravstva u F BiH će se prvenstveno zalagati:

- razvoj demokratskih procesa i uzgradnju pravne i socijalne države sa jednakim šansama i pravima svih
- transformacija zdravstva u smislu jačanja boljeg materijalnog i socijalnog statusa radnika zaposlenih u zdravstvu
- zalaganje za provođenje procesa privatizacije u okviru Zakona
- donošenje zakonske regulative za ostvarivanje i zaštitu prava zaposlenika iz rada i po osnovu njega
- obavezna primjena granskog Kolektivnog ugovora
- rješavanje statusnih pitanja radnika u zdravstvu
- učešće u donošenju razvojnih planova zdravstva u ZDK
- razvoj i ostvarivanje solidarnosti svog članstva
- štrajka kao oblik zakonskog načina borbe za zaštitu prava radnika zaposlenih u zdravstvu
- posredovanjem prema institucijama sistema u smislu zaštite sindikalnih prava radnika zaposlenih u zdravstvu
- participacija radnika u upravljanju u pogledu zakonskih normi
- zaštita na radu u oblasti zdravstva

### **Član 6.**

Za ostvarivanje svojih programskih ciljeva i interesa svog članstva, Nezavisni sindikat zdravstva u F BiH Kantonalna organizacija zeničko-dobojskog kantona, će se koristiti svim legalnim oblicima djelovanja, a prije svega:

- pravom na zakonodavnu inicijativu i učešćem u kreiranju Zakona od interesa za članstvo Sindikata

- isticanjem zahtjeva svim organima, udruženjima, poslodavcima, pojedincima od čijeg angažovanja zavisi ostvarivanje i zaštita prava članova Sindikata

- pregovaranje sa poslodavcima, Upravnim odborom, entiteskim i ostalim institucijama u kojima se odlučuje o pitanjima od interesa za članstvo

- organizovanjem protesta protiv Odluka i akcija koje su u suprotnosti s interesima sindikalnog članstva

*-štrajkom*

*Odluke o načinu ostvarivanja svojih ciljeva i upotrebi sredstava sindikalne borbe donose organi Nezavisnog sindikata zdravstva, u skladu sa svojim aktima i nadležnostima.*

## **ORGANIZACIJA SINDIKATA**

### **Član 7.**

*Nezavisni strukovni sindikat zdravstva u FBiH Kantonalna organizacija zeničko-dobojskog kantona je jedinstvena, interesna , nevladina , nestranačka, multietnička i multinacionalna organizacija u koju se radi izražavanja objedinjavanja zaštite i unapređivanja zajedničkih ekonomskih , pravnih i socijalnih interesa udružuju radnici zaposleni u zdravstvu na teritoriji ZDK .*

*Nezavisni sindikat zdravstva je potpuno neovisan od državnih i entitetskih organa, institucija , političkih stranaka i udruženja, vjerskih zajednica, organa upravljanja, poslodavaca i njihovih udruženja.*

### **Član 8.**

*Nezavisni sindikat zdravstva u FBiH Kantonalna organizacija ZDK je osnovan kao dobrovoljna društvena organizacija radnika zaposlenih u zdravstvu ZDK u cilju zaštite prava radnika zaposlenih u zdravstvu , a koje proističe iz rada i po osnovu rada u zdravstvenim institucijama ZDK.*

*Nezavisni sindikat zdravstva je jedinstvena organizacija na nivou ZDK.*

*Na nivou Osnovnih organizacija kao sastavni dio jedinstvene organizacije na nivou ZDK.*

*Na nivou zdravstvenih ustanova , zavisno od broja zaposlenika formira se osnovna organizacija Nezavisnog sindikata zdravstva kao sastavni dio kantonalne organizacije .*

## **UVJETI I NAČIN UČLANJIVANJA**

### **Član 9.**

*Svaki radnik zaposlen u zdravstvu u FBiH ima pravo da slobodno i po svom ličnom opredjeljenju bude član Nezavisnog sindikata zdravstva , a koji prihvata Statut i Program Nezavisnog sindikata zdravstva.Članom Sindikata se postaje upisom u odgovarajuću evidenciju koja se vodi na nivou Osnovne organizacije Nezavisnog sindikata zdravstva.*

*Član Nezavisnog sindikata zdravstva plaća mjesečnu članarinu , u visini koja je propisana Statutom.*

*Član sindikata može biti državljanin Bosne i Hercegovine, strano lice koje ima stalni ili privremeni boravak u ZDK, ili pravno lice koje dobrovoljno pristupi udruženju na način propisan Statutom sindikata*

### **Član 10.**

*Članom Nezavisnog strukovnog sindikata zdravstva u ZDK ne može postati osoba koja je u minulom ratu počinila genocid ili ga je podsticala, odnosno osobe koje su aktivno učestvovala u vršenju genocida, ratnih zločina, kao i osobe koje pripadaju udruženjima koja imaju neprijateljski stav prema Sindikatu.*

### **Član 11.**

*Po prijemu, član Sindikata dobija člansku kartu kojom dokazuje svoje članstvo i koja koristi pri korišćenju usluga Sindikata.*

### **Član 12.**

*Ako član Nezavisnog sindikata zdravstva želi da istupi iz članstva, dužan je da dostavi svoju pismenu izjavu Osnovnoj organizaciji sindikata i da preda svoju člansku kartu.*

*Članstvo prestaje i smrću člana, neurednim plaćanjem članarine kao i neprimjerenim, odnosno namjerno štetnim djelovanjem prema Nezavisnom sindikatu zdravstva.*

### **Član 13.**

*Odlaskom člana Sindikata u penziju ne prestaje članstvo u Nezavisnom sindikatu zdravstva ako to član ne želi, odnosno potpiše pismenu izjavu da i dalje želi biti član Sindikata i da redovno plaća članarinu.*

## **PRAVA, DUŽNOSTI I ODGOVORNOSTI ČLANOVA**

### **Član 14.**

*Svaki član Nezavisnog sindikata zdravstva ima pravo:*

- da učestvuje u razmatranju svih pitanja od značaja za rad Nezavisnog sindikata zdravstva*
- da bira i bude biran u organe Sindikata*
- da daje prijedloge i mišljenja od značaja za rad Sindikata*
- da daje prijedloge i mišljenje*
- da prima odgovarajuću pomoć*

### **Član 15.**

*Član Nezavisnog sindikata zdravstva dužan je :*

- da savjesno i odgovorno izvršava poslove i radne zadatke koji su mu u djelokrugu radnog mjesta*
- da sprovodi odluke Nezavisnog sindikata zdravstva*

## **Član 16.**

*Član Nezavisnog sindikata zdravstva je odgovoran za :*

- težu povredu radne discipline*
- lakšu povredu radne discipline*

## **Član 17.**

*O disciplinskoj odgovornosti raspravlja disciplinska komisija koja se osniva pri Osnovnoj organizaciji sindikata, kao prvostepeni disciplinski organ. Po žalbama na Odluke Osnovnih organizacija disciplinskih komisija , odlučuje disciplinska komisija koja se osniva pri Predsjedništvu Nezavisnog sindikata zdravstva u ZDK.*

## **Član 18.**

*Pravilnikom o disciplinskoj odgovornosti propisuju se radnje i postupci koji se smatraju povredom discipline u organizaciji Nezavisnog sindikata zdravstva, postupak u raspravljanju odgovornosti , disciplinske mjere i kazne koje se mogu izreći za povredu discipline.*

*U diciplinskom postupku obezbjedjena je dvostепенost u odlučivanju.*

*Protiv konačne odluke o disciplinskoj odgovornosti ne može se voditi upravni spor.*

## **ORGANI UPRAVLJANJA SINDIKATA**

### **Član 19.**

*Organi upravljanja Nezavisnog sindikata zdravstva su:*

- 1. Skupština*
- 2. Nadzorni odbor*
- 3. Predsjedništvo*

*Predsjedništvo Nezavisnog sindikata zdravstva može formirati privremene komisije radi zauzimanja stava po pojedinim aktuelnim pitanjima iz života i rada Sindikata .*

## **SKUPŠTINA**

### **Član 20.**

*Skupština je najviši organ Nezavisnog sindikata zdravstva u ZDK.*

*Skupština na nivou ZDK čine po pet delegata izabranih od Osnovnih organizacija Sindikata.*

*Delegati Skupštine su iz reda svih kvalifikacionih struktura radnika u zdravstvu.*

### **Član 21.**

*Skupština ima pravo i dužnosti*

- donosi statut, izmjene i dopune statuta i druge akte određene statutom,*
- bira i opoziva članove Predsjedništva*

- usvaja izvještaje koje je pripremio Predsjedništvo
- razmatra sva pitanja od značaja za : unapredjenje rada u zdravstvu, transformaciji zdravstva, privatizaciji zdravstvene zaštite, dohotku i raspodjeli dobiti, standardu zaposlenih u zdravstvu i ostala pitanja iz programskih ciljeva
- zauzima stavove po pojedinim prijedlozima podnijetim od strane delegata
- donosi zaključke o upućivanju pojedinih prijedloga nadležnim državnim organima i organizacijama
- donosi Statut , izmjene i dopune Statuta
- donosi normativne akte
- bira komisije Skupštine
- bira Predsjednika Nezavisnog sindikata zdravstva ZDK
- donosi odluke o udruživanju ili drugim oblicima povezivanja i saradnje sa drugim Sindikatima ili sličnim organizacijama u zemlji i inozemstvu , u stepenu koji odgovara interesu članstva Nezavisnog sindikata zdravstva
- odlučuje i o drugim pitanjima koja nisu u nadležnosti drugog organa

## **PREDSJEDNIŠTVO**

### **Član 22.**

*Predsjedništvo Nezavisnog sindikata zdravstva ZDK broji najviše 17 članova a sačinjavaju ga zastupnici izabrani od strane Osnovnih organizacija skupština Sindikata. Predsjednik kantonalne organizacije Sindikata je po funkcionalnoj dužnosti član Predsjedništva Nezavisnog sindikata zdravstva FBiH  
Predsjednik Osnovne sindikalne organizacije po funkcionalnoj dužnosti je član Predsjedništva Nezavisnog strukovnog sindikata radnika zaposlenih u zdravstvu ZDK.*

*Na svim nivoima organizovanja Nezavisnog sindikata zdravstva ZDK biraju se i dva dopredsjednika . Dopredsjednike biraju izabrani članovi Predsjedništva na svojoj prvoj radnoj sjednici.*

*Predsjedništvo rukovodi i upravlja Nezavisnim sindikatom zdravstva izmedju dva zasjedanja Skupštine, a naročito:*

- *priprema sjednice Skupštine*
- *priprema i predlaže nacrt izmjena statuta i drugih akata koje donosi skupština*
- *provodi politiku zaključke, i druge odluke koje je donijela skupština*
- *upravlja imovinom udruženja*
- *podnosi godišnje izvještaje o svom radu skupštini,*
- *donosi odluke koje ne trpe odlaganja*
- *stara se o sprovođenju odluka Skupštine*
- *zastupa i predstavlja Nezavisni sindikat zdravstva*
- *donosi odluke o oblicima saradnje sa drugim organizacijama i istu podnosi na verifikaciju i odobrenje Skupštini, ukoliko takva ne trpi odlaganja*

*Predsjedništvo kantonalne organizacije ZDK broji najmanje 9 članova i bira ga Skupština kantonalne organizacije.*

*Predsjedništvo Osnovne organizacije broji najmanje 5 članova i bira ga Skupština Osnovne organizacije.*

## **NADZORNI ODBOR**

### **Član 23.**

*Nadzorni odbor najmanje jednom godišnje vrši kontrolu finansijskog poslovanja, prihoda i rashoda i svakog obračunskog perioda koji je utvrđen Zakonom. Svoj izvještaj Nadzorni odbor podnosi Predsjedništvu Nezavisnog sindikata zdravstva koji o tome obavještava Skupštinu i odgovorno je za zakonito raspolaganje finansijskim i materijalnim sredstvima.  
Članove Nadzornog odbora bira Skupština Nezavisnog sindikata zdravstva ZDK.*

## **KOMISIJE**

### **Član 24.**

*Skupština Nezavisnog sindikata zdravstva ZDK osniva sljedeće komisije:*

- 1. Komisija za Statut i normativno –pravnu djelatnost*
- 2. Disciplinsku komisiju*

*Pravilnikom o unutrašnjoj organizaciji Sindikata propisuju se prava, dužnosti i odgovornosti komisija*

## **IZBOR ORGANA UPRAVE**

### **Član 25.**

*Neposrednim i javnim glasanjem na Skupštini kantonalne organizacije ZDK biraju se članovi upravljanja organizacijom , kao i delegati za Skupštinu Nezavisnog sindikata zdravstva u FBiH i predlažu kandidati za pojedine organe Skupštine Nezavisnog sindikata zdravstva u F BiH.*

### **Član 26.**

*Skupština Nezavisnog sindikata zdravstva ZDK bira neposrednim i javnim glasanjem sve organe upravljanja.*

### **Član 27.**

*Mandat svim izabranim članovima Nezavisnog sindikata zdravstva ZDK traje četiri godine tj. između dva zasjedanja Skupštine.*



*Izuzetno iz stava 1.ovog člana , mandat po odluci Skupštine može trajati i kraće.*

#### **Član 28.**

*Sve odluke u organima Nezavisnog sindikata zdravstva ZDK donose se prostom većinom glasova prisutnih članova.*

### **OPOZIV ORGANA UPRAVLJANJA**

#### **Član 29.**

*Kantonalna / županijska organizacija Nezavisnog sindikata zdravstva može u svako doba opozvati svog člana iz organa Skupštine Nezavisnog sindikata zdravstva ZDK ukoliko izabrani član ne izvršava svoje obaveze prema zaključcima Skupštine , ukoliko je protiv člana donijeto rješenje o sprovođenju istrage ili je član organizacije teže povrijedio radnu dužnost.*

#### **Član 30.**

*Skupština Nezavisnog sindikata zdravstva ZDK može uvijek obavijestiti Osnovnu organizaciju o radu i ponašanju delegatu koji ne vrše svoju dužnost.*

### **NAČIN STICANJA , KORIŠTENJA I RASPOLAGANJA SREDSTVIMA**

#### **Član 31.**

*Nezavisni sindikat zdravstva ZDK sredstva stiče od članarina, donacija poklona , priloga i iz drugih izvora u skladu sa Zakonom.*

### **PRESTANAK RADA**

#### **Član 32.**

*Odluku o prestanku rada Nezavisnog sindikata zdravstva ZDK donosi Skupština 2/3 većinom glasova ukupnog broja članova Skupštine ili kada nadležni sud donese odluku o zabrani rada. Sindikat prestaje sa radom i ako su ispunjeni uslovi iz čl. 9 stav 4. Zakona o udruženjima i fondacijama (Sl.list FBiH 45/02). Također udruženje prestaje djelovati i ako je proteklo dvostruko više vremena od vremena utvrđenog statutom za održavanje skupštine, a skupština nije održana, kao i ako se broj članova udruženja smanji ispod broja određenog Zakonom za osnivanje sindikata, a skupština u roku od tri mjeseca od dana nastupanja ove okolnosti ne donese odluku o prijemu novih članova.*

*Skupština Sindikata donosi odluku 2/3 većinom članova o načinu raspolaganja imovinom i preostalim sredstvima Sindikata.*

*Pri donošenju Odluke o prestanku rada Skupština će posebnom Odlukom imenovati likvidatora u procesu likvidacije Sindikata, i regulisati način raspodjele preostale imovine, u skladu sa zakonom.*

## **FINANSIJSKO POSLOVANJE**

### **Član 33.**

*Nezavisni sindikat zdravstva ZDK vodi evidenciju o finansijskom i materijalnom poslovanju u skladu sa Zakonom.*

*Nezavisni sindikat zdravstva ZDK otvara račun kod Poslovne banke u svom sjedištu.*

*Za zakonito i pravilno raspolaganje finansijskim sredstvima odgovoran je Predsjednik Predsjedništva.*

### **Član 34.**

*Članarina iznosi od 0,5% do 1% neto plaće člana Sindikata.*

*Sredstva dobijena za rad Sindikata raspoređuju se po sledećem kriteriju:*

*60% osnovnoj organizaciji*

*20% Kantonalnoj organizaciji Sindikata*

*15% Nezavisnom sindikat zdravstva u FBiH*

*5% SSS BiH*

### **Član 35.**

*Član Nezavisnog sindikata zdravstva dužan je da danom prijema plaće u ustanovi ili preduzeću , plati članarinu.*

### **Član 36.**

*Član Nezavisnog sindikata zdravstva koji tri mjeseca uzastopno ne plaća članarinu, prestaje biti član Sindikata.*

### **Član 37.**

*Pravo raspolaganja sredstvima Sindikata ima Predsjednik Predsjedništva na svim nivoima organizovanja Sindikata.*

## **JAVNOST RADA**

### **Član 38.**

*Rad Nezavisnog sindikata zdravstva je javan.*

### **Član 39.**

*Predsjednik sindikalne organizacije ili član kojeg Predsjednik ovlasti predstavlja i zastupa Sindikat u javnim nastupima.*

### **OVLAŠTENJA U PRAVNOM PROMETU**

#### **Član 40.**

*Nezavisni sindikat zdravstva ZDK ima pravo da u pravnom prometu zaključuje ugovore i da vrši i druge pravne poslove i radnje u okviru svoje poslovne sposobnosti.*

#### **Član 41.**

*Nezavisni sindikat zdravstva ZDK može u okviru svoje djelatnosti programskih ciljeva osnovati pravno lice za obavljanje privredne i druge djelatnosti pod uvjetima utvrđenim Zakonom.*

### **NORMATIVNA AKTA**

#### **Član 42.**

*Najviši normativni akt Nezavisnog sindikata zdravstva ZDK je Statut , koji ne može biti u suprotnosti sa Ustavom i Zakonima.*

#### **Član 43.**

*Radi regulisanja pojedinih pitanja od opšteg značaja za rad Nezavisnog sindikata zdravstva ZDK , Skupština preko svojih komisija donosi:*

- 1.Poslovnik o radu Skupštine*
- 2.Poslovnik o radu Predsjedništva*
- 3.Plan i program aktivnosti*
- 4.Kriterij i normative za stručno usavršavanje i osposobljavanje zdravstvenih radnika*

### **UDRUŽIVANJE I SARADNJA**

#### **Član 44.**

*Nezavisni sindikat zdravstva ZDK može se udruživati u saveze sličnih organizacija radi ostvarivanja zajedničkih interesa i zauzimanja zajedničkih stavova po odredjenim pitanjima.*

## **DONOŠENJE STATUTA**

### **Član 45.**

*Statut , njegove izmjene i dopune donosi Skupština na način i postupak kako se donosi Statut.*

### **Član 46.**

*Usvajanjem ovog Statuta prestaje važenje ranijeg Statuta. Skupština Nezavisnog sindikata zdravstva ZDK dužna je u roku od tri mjeseca donijeti sva normativana akta, od dana usvajanja ovog Statuta.*

*Zenica, 26.10.2017. godine*

*Predsjedavajući Skupštine:  
Prim.mr.sci.dr.Hasaničević dr.Esad*